

**STATUTI**  
**I**  
**SHOQËRISË ME PËRGJEGJËSI TE KUFIZUAR**  
**"VIRTUS 2021" Sh.p.k**

**KAPITULLI - 1**  
**DISPOZITA TË PËRGJITHSHME**

**Neni 1**  
**Emërtimi**

- 1.1 Emërtimi i shoqërisë është **“VIRTUS 2021” SH.P.K.** Ky emërtim është i vetmi i shoqërisë dhe përdoret në të gjithë rregjistrimet, transaksionet, marrveshjet dhe komunikimet e saj me të tretët apo shtetin dhe është i vlefshëm si jashtë dhe brenda vendit.
- 1.2 Shoqëria **“VIRTUS 2021” SH.P.K.**, është shoqëri me përgjegjesi te kufizuar.
- 1.3 Shoqëria ka vulën e saj identifikuese (me logo), në formë te rrumbullaket në të cilën është shkruar **“VIRTUS 2021”**.
- 1.4 Vula e shoqërisë mund te ndryshoje vetem me vendimin e asamblese se përgjithshme.

**Neni 2**  
**Ortakët (Ortak i vetem)**

2.1 Janë ortakë të shoqërisë në kushtet dhe me të dhënat e mëposhtme:

1. EMIRJAN SPAHIU, I biri i BAJRAM, lindur me 11.07.1990, ne TIRANE ,TIRANE dhe banues sot ne:Peze Helmes,Komuna Peze, Nd 261,Njesia Administrative Peze ,kodi postar 1038 Peze Helmes, I identifikuar me leternjoftim me nr. 034244559

**Neni 3**  
**Objekti i shoqërisë**

3.1 Objekti i veprimtarisë se shoqërisë është:

Cdo veprimtarie te lejuar nga ligji dhe/ose pjesëmarrjen ne cdo veprimtari apo aktivitet te ligjshem qe mund te kryeje nje shoqeri me përgjegjesi te kufizuar, e krijuar ne baze te legjislacionit shqiptar dhe ne vecanti:

- Ofrim i shërbimeve te menaxhuara (managed services) , te hostuara (hosted services), dhe Cloud (cloud services), ne fushen e IT, Telekomunikacionit, Qendrave te te Dhenave (Data Centers) dhe Sigurise Fizike.
- Konsulence, edukim, projektim, implementim, operim, dhe mirembajtje e sistemeve te IT, Telekomunikacionit. Qendrave te te Dhenave dhe Sigurise Fizike.
- Zhvillim dhe implementim i programeve dhe aplikacioneve kompjuterike/mobile.
- Shërbime marketingu, telemarketingu, dhe reklamimi; përpunim, analize dhe interpretim i te dhenave ne shërbim te rritjes se nje biznesi/ndermarrje apo te optimizimit te forces se punes dhe proceseve.

- Ofrim i shërbimeve të komunikimit elektronik, si operator publik i transmetimit të të dhënave, ofrimin e internetit, shërbimit të telefonisë publike fikse, VoIP, transit kombëtar dhe nderkombëtarë thirrjesh.
- Tregtim, dhe instalim, import eksport të materialeve Elektrike, ndricimit dhe elektroshtepiakeve të vogla dhe të mëdha..

3.2 Përshkrimi i objektit të shoqërisë ka natyrë indikuese dhe jo kufizuese. Për realizimin e qëllimit të saj shoqëria mund të bashkëpunojë me çdo person fizik apo juridik në çdo mënyrë që e gjykon të dobishme.

3.3 Shoqëria në çdo kohë mund të ripërcaktojë objektin e saj, ta shtojë apo pakësojë atë, me vendim të Asamblesë së Përgjithshme të saj.

#### **Neni 4**

##### **Selia e shoqërisë dhe Zyrat e përfaqesimit**

4.1 Selia e shoqërisë është në “VIRTUS 2021” SH.P.K. do të jetë e vendosur në Tiranë dhe selia e saj do të jetë adresën Rr.Dibres,Kompleksi Halili,B1,Kati 2 Tiranë,Njesia Bashkiake NR-8,kodi postar 1017 Tiranë.

4.2 Veprimtaria e shoqërisë në tërë territorin e Republikës së Shqipërisë kryhet nga degët e saj, të cilat funksionojnë në rrethe apo ndarje të tjera administrative të Republikës së Shqipërisë nën drejtimin e Drejtorisë.

4.3 Shoqëria mund të çelë degë dhe zyrë përfaqesimi të reja jashtë territorit të Republikës së Shqipërisë. Ato hapen dhe prishen me vendim të Asamblesë së Përgjithshme të saj.

4.4 Asambleja e Përgjithshme mbikëqyrë zbatimin e politikave tregtare të administratoreve të shoqërisë, organizon punën, përcakton mënyrën e funksionimit dhe emëron organet drejtuese dhe përfaqësuesit e tyre ligjor.

#### **Neni 5**

##### **Kohëzgjatja e shoqërisë**

5.1 Kohëzgjatja e shoqërisë “VIRTUS 2021” SH.P.K. është pa afat dhe fillon në momentin e regjistrimit të shoqërisë, në Qendrën Kombëtare të Regjistrimit.

5.2 Ky afat mund të ndryshohet në çdo kohë me vendim të Asmblesë së Përgjithshme të Ortakëve me të njëjtin kuorum që përcakton ligji tregtar për ndryshimin e statutit.

5.3. Shoqëria mund të priset gjyqësisht përpara këtij afati në rastet kur humbet kuptimi moral dhe ligjor i egzistencës së saj apo kur parashikohet shprehimisht në ligj, nëpërmjet kërkesës së çdo aksioneri drejtuar gjykatës.

5.4. Shoqëria mund të priset edhe në rastin e humbjes së aktivitetit të pasurisë së saj deri në një vlerë sa gjysma e kapitalit aksionar. Në këtë rast zbatohen dispozitat Pjesa V “Shoqërite

Aksioneri”, Titulli VII, “Prishja e Shoqërise” të ligjit Nr. 9901 date 14.04.2008 “Per tregtaret dhe shoqërite tregtare”

## **KAPITULLI - II KAPITALI , KUOTAT DHE KALIMI I KUOTAVE**

### **Neni 6 Kapitali**

6.1 Kapitali themeltar i shoqërise perbehet nga kontributi i ortakut te vetem:

1. EMIRJAN SPAHIU            me 100 % te kuotave = ( 100. 000 leke)

Te gjitha pjeset e kapitalit themeltar jane nenshkuar e shlyer krejtesisht, pastaj jane ndare ndermjet ortakeve si me siper.

Kapitali themeltar eshte ndare ne 100 kuota.

Kuotat nga 01 – 100 i perkasin ortakut EMIRJAN SPAHIU.

6.2. Kapitali aksionar i shoqërisë është **100.000** (njeqindmije) lekë dhe përbëhet nga 100 kuota me vlerë nominale secila **1000** (NJEMIJE) lekë, të numërtuar në mënyrë progresive nga numri **1** deri tek numri **100**. Të gjitha kuotat e shoqërisë, pavarësisht nga numërtimi, janë të barazvlefshme.

6.3. Numërtimi i kuotave ka vlerë indikative dhe nuk shërben për të treguar përparësinë në shlyerje, tjetërsim apo në likuidim.

### **Neni 7 Depozitimi i kapitalit**

7.1 Kapitali i shoqërise është shlyer plotësisht nga ortaku në përpjestim me pjesët takuese në kapital.

### **Neni 8 Ndryshimi i kapitalit**

8.1. Kapitali i shoqërisë mund të zmadhohet apo të zvoglohet vetëm me vendim të ortakeve, si dhe me Vendim të Asamblesë së Përgjithshme kur shoqëria është me shume se nje ortak.

8.2. Ortaku ka te drejten e perparësisë per nënshkrimin e kuotave te shlyeshme ne para qe emetohen per zmadhimin e kapitalit. Kjo e drejte eshte ne përpjestim me shumen e kuotave te zotëruara nga ortaku përpara zmadhimit te kapitalit.

8.3. Ortaku mund te heqe dore vetem individualisht nga e drejta per nënshkrimin e kuotave te reja. Ai, gjithashtu, ka te drejte te kerkoje nënshkrimin e nje numri me te vogel kuotash nga sa i takon sipas parimit te përpjestueshmerise, por me kusht qe Asambleja te kete vendosur shprehimisht per kete gje.

8.4. Procedurat për ndryshimin e kapitalit të shoqërisë duhet të fillojnë brenda tre muajsh nga dita e marrjes së vendimit sipas rastit, te Ortakut te vetem si dhe te Asamblese se Përgjithshme, përndryshe janë të pavlefshme.

8.5. Brenda 3 vjetësh nga dita e kryerjes së ndryshimeve duhet të regjistrohet vendimi pranë Qendrës Kombëtare të Rregjistrimit.

#### **Neni 9**

#### **Mënyrat e shtimit të kapitalit**

9.1. Shtimi i kapitalit të shoqërisë bëhet në një nga mënyrat e mëposhtme:

a) me emetimin e kuotave të reja, duke shtuar numrin e kuotave që përbëjnë kapitalin të shoqërisë pa ndryshuar vlerën nominale të kuotes.

b) me rritjen e vleres nominale të çdo kuote pa ndryshuar numrin e përgjithshëm të tyre.

9.2. Kompetente për caktimin e mënyrës së shtimit të kapitalit është, Vendimi i ortakeve te vetem, ose Asambleja e Përgjithshme.

9.3. Kuotat e reja shlyhen me para në dorë, me kompesim të një kredie të kërkueshme të shprehur në para, me përfshirje të rezervave, fitimeve apo primeve, apo me kontribut në natyrë.

9.4. Ortaku i cili shlyen kuotat e reja në një formë tjetër nga shlyerja me para në dorë, duhet ta japi miratimin e tij me shkrim.

9.5. Zmadhimi i kapitalit nëpërmjet rritjes së vlerës nominale të kuotave bëhet vetëm me pëlqimin unanimit të ortakëve.

#### **Neni 10**

#### **Mënyrat e fitimit dhe kalimit të kuotave**

10.1. Kuotat e kapitali te shoqerise dhe te drejtat qe rrjedhin prej tyre mund te fitohen apo kalohen neprmjet:

- a) kontributit ne kapitalin e shoqerise,
- b) shitblerjes,
- c) trashegimise,
- d) dhurimit,
- e) cdo menyre tjeter te parashikuar ne ligj.

10.2. Ne rastin e kalimit te kuotave me kontrate, kontrata duhet te behet me shkrim.

10.3. Kalimi i kuotave behet me miratimin e asamblese se përgjithshme te ortakeve, me te drejten e parablerjes ne favor te shoqerise, apo te ortakeve te tjere.

#### **Neni 11**

#### **Pasojat e kalimit të kuotave**

11.1. Personi që kalon kuotën dhe ai që e fiton atë përgjigjen në mënyrë solidare ndaj shoqërisë për detyrimet që rrjedhin nga zotërimi i kuotës, nga casti i kalimit të kuotave, deri në castin e regjistrimit të kalimit sipas kërkesave të të përcaktuara në pikën 11.2. të këtij neni.

11.2. Shoqëria regjistron kalimin e kuotës sipas kërkesave të ligjit të Qendrës Kombëtare të Regjistrimit.

#### **Neni 12**

#### **Te drejtat e lidhura me kuotat**

12.1. Ortaku, që pengohet të ushtroje të drejtat që rrjedhin nga zotërimi i kuotës së shoqërisë, ka të drejtë t'i kërkojë gjykatës të urdherojë ndalimin e cenimit apo shpërblimin e demit të shkaktuar.

Kjo e drejtë parashkruhet brenda 3 vjetëve nga casti i cenimit.

### **KAPITULLI III – ORGANET E SHOQËRISË ASAMBLEJA E PERGJITHSHME**

#### **Neni 13**

#### **Te drejtat dhe detyrimet**

13.1. Asambleja e Përgjithshme është përgjegjëse për marrjen e vendimeve për shoqërinë për çështjet e mëposhtme:

- a) përcaktimin e politikave tregtare të shoqërisë;
- b) ndryshimin e statutit;
- c) emërimin e shkarkimin e administratoreve;
- d) emerimin e shkarkimin e likuiduesve dhe të eksperteve kontabël të regjistruar;
- e) dh) përcaktimin e shpërblimeve për personat e përmendur në shkronjat “c” dhe “d” të kësaj pike;
- f) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- g) miratimin e pasqyrave financiare vjetore dhe të raporteve të ecurisë të veprimtarisë;
- h) zmadhimin dhe zvogëlimin e kapitalit;
- i) pjesëtimin e kuotave dhe anulimin e tyre;
- j) përfaqesimin e shoqërisë në gjykate dhe në procedimet e tjera ndaj administratoreve;
- k) riorganizimin dhe prishjen e shoqërisë;
- l) miratimin e rregullave procedurale të mbledhjeve të asamblese;
- m) çështje të parashikuara nga ligji dhe ky statut.

13.2. Asambleja e Përgjithshme merr vendime për çështjet e përcaktuara në shkronjat “f” dhe “g” të pikës 1 të këtij neni, pas marrjes dhe shqyrtimit të dokumentave përkatëse.

13.3. Kur shoqëria është me një ortak, të drejtat dhe detyrimet e asamblese së përgjithshme ushtrohen nga ortaku i vetëm. Të gjitha vendimet e marra nga ortaku i vetëm regjistrohen në regjistrin e vendimeve. Do të regjistrohen në veçanti, por pa u kufizuar në to, vendimet për:

- a) miratimin e pasqyrave financiare vjetore dhe të raporteve të ecurisë së veprimtarisë;
- b) shpërndarjen e fitimeve vjetore dhe mbulimin e humbjeve;

- c) investime;
- d) vendimet per riorganizimin dhe prishjen e shoqerise.

#### **Neni 14**

#### **Mbledhja e asamblese se pergjithshme**

14.1. Asambleja e Pergjithshme mblidhet ne rastet e percaktuara nga ky ligj, nga ligje te tjera ose nga depozitat e percaktuara ne kete statut dhe sa here qe mbledhja eshte e nevojshme per te mbrojtur interesat e shoqerise. Mbledhja e zakonshme e asamblese se pergjithshme thirret te pakten nje here ne vit.

14.2. Asambleja e Pergjithshme thirret nga administratoret apo ortaket e percaktuar sipas nenit 16 te ketij statuti.

14.3. Asambleja e Pergjithshme thirret kur shoqëria propozon te shese apo te disponoje ne menyre tjetër aktive, te cilat kane nje vlere me te larte se 5 perqind te asetëve te shoqerise, qe rezulton ne pasqyrat e fundit financiare te certifikuara.

#### **Neni 15**

#### **Menyra e Thirrjes**

15.1. Asambleja e Pergjithshme thirret nepermjet nje njoftimi me shkrese ose, nese parashikohet nga ky statut, me njoftim nepermjet postes elektronike. Njoftimi me shkrese apo me mesazh elektronik duhet te permbaje vendin, daten, oren e mbledhjes dhe rendin e dites e t'u dergohet te gjithe ortakeve, jo me vone se 7 dite perpara dates se parashikuar per mbledhjen e asamblese.

15.2. Kur asambleja e pergjithshme nuk thirret sipas pikes 1 te ketij neni, ajo mund te marre vendime te vlefshme vetem nese te gjithe ortaket jane dakort, per te marre vendime, pavarësisht parregullsise.

#### **Neni 16**

#### **Kerkesa nga ortaket e pakices**

16.1. Ortaket qe perfaqesojne te pakten 5 per qind te totalit te votave ne asamblene e pergjithshme te shoqerise, mund t'i drejtojne administratoreve nje kerkese me shkrim, perfshi posten elektronike, per te thirrur asamblene e pergjithshme dhe/ose perfshirjen e ceshtjeve te posaçme ne rendin e dites. Kerkesa duhet te permbaje arsyet, objektivat dhe ceshtjet, per te cilat asambleja duhet te marre nje vendim. Nese kerkesa refuzohet, keta ortake kane te drejte te therrasin asamblene dhe te caktojne ceshtjet e rendit te dites, duke bere njoftimin me shkrese ku duhet te permbaje vendin, oren e mbledhjes dhe rendin e dites e t'u dergohet te gjithe ortakeve, jo me vone se 7 dite perpara dates se parshikuar per mbledhjen e asamblese.

16.2. Nese, ne kundërshtim me piken 16.1 te ketij neni, asambleja e pergjithshme nuk thirret, ose ceshtja e kerkuar prej ketyre nuk futet ne rendin e dites, secili prej ortakeve, qe kane bere kerkesen, kane te drejte:

- a) te ngrejne padi ne gjykate, per te deklaruar shkeljen e detyrimit te besnikerise, nese administratoret nuk përmbushin kërkesat e ortakeve brenda 15 diteve;
- b) t'i kerkoje shoqerise blerjen e kuotave, te zotëruara prej tyre.

16.3. Ne rastet kur rendi i dites ndryshohet, sipas parashikimeve te pikave 16.1. e 16.2 te këtij neni dhe thirrja i eshte njoftuar ortakeve, administratoret njoftojne perseri rendin e dites, te ndryshuar duke bere njoftimin me shkrese ku duhet te permbaje vendin, oren e mbledhjes dhe rendin e dites e t'u dergohet te gjithë ortakeve, jo me vonë se 7 dite përpara dates se parshikuar per mbledhjen e asamblese.

16.4. Perfaqesuesi i autorizuar eshte i detyruar te deklaroje cdo fakt apo rrethane, te tille qe sipas gjykimit te ortakut te perfaqesuar, rrezikon te ndikoje ne vendimmarrjen e perfaqesuesit per interesa te tjere te ndryshem nga ata te ortakut te perfaqesuar.

### **Neni 17** **Perfaqesimi ne asamble**

17.1. Ortaku mund te perfaqesohet ne asamblene e përgjithshme, ne baze te nje autorizimi nga nje ortak tjetër apo nga nje person i tretë.

17.2. Administratoret e shoqerise nuk mund te veprojne si perfaqesues te ortakeve ne asamblene e përgjithshme.

17.3. Autorizimi mund te jepet vetem per nje mbledhje te asamblese se përgjithshme, e cila perfshin edhe mbledhjet vijuese me te njëjtin rend dite.

### **Neni 18** **Kuorumi**

18.1 Ne rastin e marrjes se vendimeve, qe kerkojne nje shumice te zakonshme, asambleja e përgjithshme mund te marre vendime te vlefshme vetem nese marrin pjese ortaket me te drejte vote, qe zoterojne me shume se 30 perqind te kuotave. Ne rastin kur asambleja e përgjithshme duhet te vendose per ceshtje, te cilat kerkojne shumice te kualifikuar sipas nenit 19 te këtij statut, ajo mund te marre vendime te vlefshme vetem nese ortaket zoterojne me shume se gjysmen e numrit total te votave jane te pranishem personalisht, votojne me shkrese, apo mjete elektronike.

18.2. Nese asambleja e përgjithshme nuk mund te mblidhet per shkak te mungeses se kuoromit te përmendur ne piken 1 te këtij neni, asambleja mblidhet perseri jo me vonë se 30 dite, me te njëjtin rend dite.

### **Neni 19** **Marrja e Vendimeve**

19.1. Asambleja e përgjithshme vendos me tri te katërtat e votave te ortakeve pjesemarrres, sic përcaktohet ne piken 1 te nenit 15, per ndryshimin e statutit, zmadhimin ose zvogëlimin e kapitalit te regjistruar, shpërndarjen e fitimeve, riorganizimin dhe prishjen e shoqerise. Ortakët kanë të drejtë të ushtrojnë të gjitha të drejtat që kanë në shoqëri sipas ligjit dhe Statutit personalisht apo nëpërmjet përfaqesuesve të tyre.



19.2. Kur përfaqësimi është i përcaktuar në statut ai është i vlefshëm në vazhdimësi dhe mund të ndryshohet në të njëjtat kushte të kërkuara për ndryshimin e Statutit. Ndryshimi i përfaqësimit statutor duhet të depozitohet në Rregjistrin Tregtar për efekt vlefshmërie.

## **Neni 20** **E drejta e votës**

20.1. Çdo kuote i jep zotëruesit të tij të drejtën e një vote. Ortakët shprehin me votën e tyre vetëm një qëndrim për të gjithë kuotat që zotërojnë. Totali i kuotave që zotëron një ortak nuk mund të ndahet për efekt votimi në pjesë.

20.2. Ortaket që nuk janë të pranishëm, ju parashikohet mundësia e pjesëmarrjes në mbledhje të asamblese se përgjithshme me mjete të ndryshme komunikimi, përfshirë mjetet elektronike, me kusht që të garantohet identifikimi i ortakeve.

20.3. ortaket kanë të drejtë të marrin unanimisht çdo vendim, me kusht që kjo marrëveshje të behet me shkrim.

## **Neni 21** **Perjashtimi nga e drejta e votës**

21.1. Ortaku nuk mund të ushtrojë të drejtën e votes nëse asambleja e përgjithshme merr vendim për:

- a) vlerësimin e veprimtarisë së tij;
- b) shuarjen e ndonjë detyrimi në ngarkim të tij;
- c) ngritjen e një padie ndaj tij nga shoqëria;
- d) dhënien ose jo të përfitimeve të reja.

21.2. Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëjtin konflikt interesi, ashtu si dhe ortaku, të cilin përfaqëson.

## **Neni 22** **Procesverbalet e mbledhjes së asamblesë**

22.1. të gjitha vendimet e asamblese se përgjithshme duhet të regjistrohen në procesverbal. Administratoret përgjigjen për ruajtjen e kopjove të procesverbaleve të asamblese se përgjithshme.

22.2. procesverbali duhet të përmbajë datën e vendin e mbledhjes, rendin e dites, emrin e kryetarit e të mbajtësit të procesverbalit, rezultatet e votimit.

22.3. Procesverbalit i bashkelidhet edhe lista e pjesëmarrësve, si edhe akti i thirrjes së asamblese se përgjithshme.

22.4. Procesverbali i mbledhjes nënshkruhet nga kryetari dhe nga mbajtësi i procesverbalit.

22.5. Nëse shoqëria ka publikuar një faqe në internet, administratoret, jo më vonë se 15 dite nga data e mbledhjes, janë të detyruar të publikojnë kopjo të procesverbalit të mbledhjes së asamblese se përgjithshme në këtë faqe.



### **Neni 23** **Hetime të posaçme**

23.1. Asambleja e përgjithshme mund të vendosë nisjen e një hetimi të posaçem për parregullsite përgjate veprimeve të ushtrimit të veprimtarisë tregtare. Hetimi kryhet nga një ekspert i pavarur i fushës.

23.2. Ortaket që përfaqësojnë të paktën 5 përqind të totalit të votave të asamblese së shoqërisë, mund të kërkojnë asamblese së përgjithshme emërimin e një eksperti të pavarur të fushës, kur ka dyshime të bazuara për shkelje të ligjit ose të statutit. Ortaket ose kreditorët e shoqërisë të përcaktuar me siper, brenda 30 ditëve pas refuzimit nga asambleja për emërimin e ekspertit të pavarur, mund të kërkojnë gjykates emërimin e këtij eksperti. Nëse asambleja e përgjithshme nuk merr vendim brenda 60 ditëve nga data e paraqitjes së kërkesës, kërkesa e ortakeve vlerësohet e refuzuar.

23.3 Kur asambleja e përgjithshme ka emruar një ekspert të fushës për kryerjen e hetimit të posaçem dhe kur për këtë emrim ka dyshime të bazuara për të besuar se eksperti mund të mos realizojë hetimin e posaçem në mënyrën e duhur, ortaket ose kreditorët e përmendur në pikën 23.2 të këtij neni mund të kërkojnë gjykates zëvendësimin e tij.

23.4. Kur gjykata pranon kërkesat e përmendura në pikat 23.2 e 23.3 të këtij neni, shoqëria tregtare përballon kostot e emërimit dhe të shpërblimit të ekspertit të emëruar për kryerjen e hetimit të posaçem.

23.5. E drejta për të kërkuar hetim të posaçem, sipas pikave 23.1 e 23.2 të këtij neni, duhet të ushtrohet brenda 3 vjetëve nga data e veprimit, që konsiderohet i parregullt, kur hetimi ka si objekt parregullsite të ushtrimit të veprimtarisë tregtare.

23.6. Kreditori, që në keqbesim paraqet një kërkesë, sipas pikës 23.2 të këtij neni, përgjigjet në përputhje me nenin 34 të Kodit të Procedurës Civile.

### **Neni 24** **Shfuqizimi i vendimeve të parregullta dhe dëmshpërblimi**

24.1. Asambleja e përgjithshme ka të drejtë të kërkojë gjykates perkatëse shfuqizimin e vendimeve të administratoreve, kur këto përbejnë shkelje të rënde të ligjit ose statutit.

24.2. Ortaket, të cilët përfaqësojnë të paktën 5 përqind të totalit të votave në asamblese së shoqërisë, apo secili prej kreditorëve të shoqërisë mund të kërkojnë asamblese së përgjithshme ngritjen e padi si me siper. Ortaket e shoqërisë së përcaktuar me siper, brenda 30 ditëve pas refuzimit nga asambleja për ngritjen e padi, kanë të drejtë të ngrenë padi drejtperdrejtë përpara gjykates kompetente për shfuqizimin e vendimit të administratoreve. Nëse asambleja nuk merr vendim brenda 60 ditëve nga data e kërkesës, kërkesa e ortakeve apo kreditorëve vlerësohet e refuzuar.

24.3. Në rastet kur shoqëria ngre padi si me siper, ajo merr pjesë në gjykim me anë të një përfaqësuesi të posaçem, të caktuar nga asambleja e përgjithshme.

24.4. Ortaket e përmendur ne piken 24.2 te këtij neni mund ti kerkojne gjykates zevendesimine perfaqesuesit te posacem, kur ka dyshime te bazuara se perfaqesuesi i emeruar nga asambleja e përgjithshme mund te mos ngreje e ndjeke padine ne interesin me te mire te shoqerise. Nese gjykata e pranon kete kerkese, kostot e emerimit dhe te shpërblimit te perfaqesuesit përballohen nga shoqëria.

24.5. Gjykata vendos shpalljen e pavlefshmerise se vendimeve te administratoreve, nese keta nuk merren vesh, me pajtim, me perfaqesuesin e posacem per korrigjimin e pasojave te vendimit, brenda 30 diteve nga data e emerimit te këtij perfaqesuesi. Te drejtat e paleve te treta mbeten te pacenuara, ne përputhje me piken 3 te nenit 12 te Ligjit nr. 9901, date 14.04.2008“Per tregtare e shoqerite tregtare”.

## ADMINISTRATORET

### Neni 25

#### Emerimi, shkarkimi, te drejtat dhe detyrimet

25.1. Asambleja e përgjithshme emerion nje ose me shume persona fizike si administratore te shoqerise. Afati i emërimit, i cili caktohet ne statut, nuk mund te jete me i gjate se 5 vjet, me te drejte ripërteritjeje. Emerimi i administratoreve prodhon efekte pas regjistrimit ne Qendren Kombetare te Regjistrimit. Administrator i shoqerise u zgjodh zoti EMIRJAN SPAHIU i cili u zgjodh si i tille per nje afat 5 vjecar me te drejte ripërteritjeje.

25.2. Administratoret e nje shoqërie tregtare meme, sipas përcaktimit te nenit 207 te Ligjit nr. 9901, date 14.04.2008“Per tregtare e shoqerite tregtare”, nuk mund te emerohen si administratore te nje shoqërie te kontrolluar e anasjelltas.

25.3. Administratoret kane te drejte e detyrohen te:

- a) kryejne te gjitha veprimet e administrimit te veprimtarise tregtare te shoqerise, duke zbatuar politikat tregtare, te vendosura ne asamblene e përgjithshme;
- b) perfaqesojne shoqerine tregtare;
- c) kujdesen per mbajtjen e sakte e te rregullt te dokumentave dhe te librave kontabël te shoqerise;
- d) përgatisin dhe nenshkruajne bilancin vejtore, bilancin e konsoliduar dhe raportin e ecurise se veprimtarise dhe, se bashku me propozimet per shpërndarjen e fitimeve, i paraqesin keto dokumente përpara asamblese se përgjithshme per miratim;
- e) krijojne nje sistem paralajmërimi ne kohen e duhur per rrethanat, qe kercenojne mbarëvajtjen e veprimtarise dhe ekzistencen e shoqerise;
- f) kryejne regjistrimet dhe dergojne te dhenat e detyrueshme te shoqerise, sic parashikohet ne ligjin per Qendren Kombetare te Regjistrimit;
- g) raportojne përpara asamblese se përgjithshme ne lidhje me zbatimin e politikave tregtare dhe me realizimin e veprimeve te posaçme me rendesi te veçante per veprimtarine e shoqerise tregtare;
- h) *te lidh kontrata, e te kryej veprime te ndryshme bankare me autorizim te asamblese se ortakeveku te percaktohet shprehimisht veprimi qe do te kryhet.*
- i) kryejne detyra te tjera te përcaktuara ne ligj dhe ne kete statut;
- j) i)te lidh kontratat e punes me te punësuarit ne përputhje me dispozitat ligjore ne fuqi.

25.4. Ne rastet e parashikuara nga pikat 14.3 e nenit 14 te këtij statuti, administratoret jane te detyruar te thërrasin asamblene e përgjithshme.

25.5. Nëse asambleja e përgjithshme emeron me shume se nje administrator, ata e administrojne bashkërisht shoqerine.

25.6. Asambleja e përgjithshme mund te shkarkoje administratorin ne cdo kohe me shumice te zakonshme.

## **Neni 26 Përfaqësimi**

26.1. Kufizimet e tagrave te perfaqesimit te administratoreve i kundrejtohen paleve te treta, ne përputhje me dispozitat e nenit 12 te Ligjit nr. 9901, date 14.04.2008 "Per tregtare e shoqerite tregtare".

26.2. Administratoret, qe përfaqësojne bashkarisht shoqërinë tregtare, mund te autorizojne disa prej tyre per kryerjen e disa veprimeve te caktuara apo per kryerjen e disa kategorive te caktuara veprimesh. Njoftimet e drejtuara secilit prej administratoreve jane te vlefshme e detyruese per shoqerine.

26.3. Tagrat e perfaqesimit te administratoreve dhe cdo ndryshim i tyre njoftohen per regjistrim prane Qendres Kombetare te Regjistrimit.

## **Neni 27 Përgjegjësia e Administratorit**

27.1. Administratori është i detyruar të ruajë sekretet e Shoqërisë për të cilat vihet në dijeni gjatë ushtrimit të detyrës.

27.2. Kur nga veprimet apo mosveprimet e tij në mospërputhje me ligjin apo me këtë Statut i shkaktohet një dëm material apo moral Shoqërisë, ai përgjigjet civilisht për dëmin e shkaktuar në mënyrë të pakufizuar.

## **Neni 28 Shpërblimi i Administratorit**

28.1. Shpërblimit baze te administratoreve mund ti behen shtesa, qe mund te jene ne përqindje ne fitim ose te ngjashem. Shpërblimet e administratoreve përcaktohen me vendim te zakonshem te asamblese se përgjithshme.

28.2. Shpërblimi, sipas pikes 28.1 te këtij neni, duhet te jete i pershtatshem dhe ne përputhje me detyrat e administratoreve dhe gjendjen financiare te shoqerise.

28.3. nese shoqëria eshte ne veshtiresi financiare, asambleja e përgjithshme mund te vendose reduktimin e shpërblimit te administratoreve ne mase te përshtatshme.

28.4. Kriteret e shpërblimit, shpërblimi individual dhe efekti vjetor i shpërblimit te administratoreve ne strukturen e kostove te shoqerise tregtare publikohen se bashku me pasqyrat financiare vjetore.

**Neni 29**  
**Kontrolli financiar i Asamblesë**

29.1. Administratori i paraqet organit vendim-marres, si ortakut te vetem ose Asamblesë së përgjithshme llogaritë vjetore dhe kur është rasti llogaritë e konsoliduara.

29.2. Organi vendim-marres, ortaku i vetem ose Asambleja e përgjithshme shqyrton dhe vendos për të gjitha çështjet financiare të vitit të kaluar.

**Neni 30**  
**Përfaqësimi tek të tretët**

30.1. Administratori përfaqëson shoqërinë në marrdhëniet me të tretët.

30.2. Ankesat apo kërkesat që i drejtohen shoqërisë nga të tretët janë të vlefshme kur i komunikohen Administratori.

30.3. Administratori mund të delegojë një apo disa kompetenca të tij tek anëtarët e administratës së shoqërisë.

**Neni 31**  
**Ndalimi i huadhënies**

31.1 Administratorët ndalohen të kontraktojnë në cilëndo formë për të marrë hua nga shoqëria, të japin nëpërmjet saj paradhënie, si dhe të bëhen dorëzanës apo të garantojnë nëpërmjet saj detyrimet e të tretëve.

**KAPITULLI IV - VITI FINANCIAR .**

**Neni 36**  
**Ushtrimi i vitit financiar**

36.1 Ushtrimi financiar fillon më 1 janar dhe mbaron më 31 dhjetor të çdo viti. Përrjashtimisht ushtrimi i parë financiar përfshin kohën nga data e regjistrimit në Qëndrën Kombëtare të Regjistrimit gjer më 31 dhjetor.

**Neni 37**  
**Inventari dhe Pasqyrat Financiare Vjetore**

37.1. Shoqëria do të mbajë një kontabilitet të rregullt të pasurisë dhe të veprimtarisë së saj, në pajtim me kërkesat ligjore.

37.2. Në mbyllje të ushtrimit, drejtori harton inventarin e pasurisë në këtë datë dhe pasqyrat financiare vjetore për ushtrimin financiar në përputhje me dispozitat ligjore në fuqi për kontabilitetin.

**Neni 38**  
**Raportet Vjetore**

38.1. Në mbylljen e çdo viti financiar Drejtimi përveç inventareve dhe llogarive vjetore harton një raport me shkrim për Asamblene e Ortakeve.

38.2. Bilancit i bashkëngjiten një situacion mbi garancitë e dhëna nga shoqëria dhe një situacion mbi sigurimet e bëra nga shoqëria.

38.3. Raporti pasqyron gjendjen e shoqërisë gjatë vitit financiar të kaluar, ndryshimet e parshikuara, veprimtaritë e rëndësishme, etj.

#### **Neni 39**

##### **Rezultatet e ushtrimit dhe caktimi i fitimeve**

39.1. Rezultati i ushtrimit përcaktohet si diferencë ndërmjet të ardhurave dhe shpenzimeve të ushtrimit, duke përfshirë te këto të fundit amortizimet dhe provizionet.

39.2. Shuma e fitimeve të mbetura pas heqjeve për krijimin e rezervave përfaqëson dividendin, i cili mund të shpërndahet, ose do të kalojë për investim në shoqëri në formën e zmadhimit të kapitalit.

39.3. Duke përjashtuar rastin kur është vendosur zvogëlimi i kapitalit, nga fitimet e ushtrimit nuk behët asnjë heqje dhe asnjë derdhje dividenti, në qoftë se kapitalet e veta janë ose do të beheshin më të vogla se shuma e kapitalit themeltar plus shumën minimale të kërkuar për rezervën e domosdoshme.

39.4. Në qoftë se ekziston një humbje, kjo mbartet për t'u përfshirë në fitimet e ushtrimit të ardhshme deri në shuarjen e saj.

#### **Neni 40**

##### **Rezerva e domosdoshme dhe e nevojshme**

40.1. Nga fitimi i rezervuar gjatë vitit financiar pasi zbriten humbjet e vitit të mëparshëm, në rast se ka, hiqet mënjatë një shumë e barabartë me  $1/20$  e fitimit të destinuar për formimin e fondit rezervë të quajtur "rezervë e domosdoshme".

40.2. Heqja nga fitimet për rezervën e domosdoshme pushon së qeni e detyrueshme kur kjo rezervë arrijë  $1/10$  e kapitalit themeltar. Ajo rifillon kur për një arsye çfarëdo, rezerva e domosdoshme ka zbritur nën  $1/10$  e kapitalit.

40.3. Nga fitimet e ushtrimit të pakësuar, shoqëria do të heqë jo më shumë se 85% për krijimin e rezervave për zhvillim apo të tjera rezerva të nevojshme .

#### **Neni 41**

##### **Fitimi që shpërndahet**

41.1 Koha, mënyra dhe shuma e fitimit që shpërndahen vendoset rast pas rasti nga Asambleja e Aksionerëve sipas raportit të Drejtimit dhe Ekspertit Kontabël në përputhje me këtë Statut, ligjin tregtar dhe gjendjen financiare të shoqërisë.

## **KAPITULLI V – PRISHJA E SHOQËRISE RISHJA E SHOQËRISE**

**Neni 42**  
**Shkaqet e prishjes se shoqërisë**

- 42.1 Shoqeria me pergjegjesi te kufizuar prishet:
- a) kur mbaron kohëzgjatja e parashikuar ne themelimin e saj;
  - b) me vendimin e asamblese se përgjithshme;
  - c) me hapjen e procedurave te falimentit;
  - d) nese nuk ka kryer veprimtari tregtare per dy vjet dhe nuk eshte njoftuar pezullimi i veprimtarise ne përputhje me piken 3 te nenit 43 te ligjit nr.9723, date 03.05.2007 “Per Qendren Kombetare te Regjistrimit”;
  - e) me vendim te gjykates;
  - f) per arsye te tjera te parashikuara ne ligj.

**Neni 43**  
**Regjistrimi i shpërbërjes**

43.1 Administratoret regjistrojne prishjen e shoqerise prane Qendres Kombetare te Regjistrimit, ne përputhje me nenin 43 ligjit nr.9723, date 03.05.2007 “Per Qendren Kombetare te Regjistrimit” ia njofton vendimin Qendres Kombetare te Regjistrimeve per regjistrim”.

**Neni 44**  
**Dispozita të fundit**

44.1. Për të gjitha çështjet që nuk gjejnë rregullim në këtë Statut, aplikohen dispozitat e ligjit nr. 9901 dt. 14.04.2008 “Për tregtarët dhe shoqëritë tregtare”.

44.2. Për efekt të interpretimit të këtij Statuti me ligj tregtar nënkuptohet ligji nr. 9901 dt. 14.04.2008 “Për tregtarët dhe shoqëritë tregtare”.

44.3. Pavlefshmeritë e dispozitave të veçanta të Statutit nuk çenojnë vlefshmërinë e tij.

**Neni 45**  
**Gjykata kompetente**

45.1 Gjykata kompetente për zgjidhjen e të gjitha mosmarrveshjeve midis ortakëve dhe interpretimin e statutit të shoqërisë është Gjykata e Rrethit Gjyqësor Tiranë.

**Neni 46**  
**Hyrja në fuqi**

46.1 Ky Statut hyn në fuqi dhe është i detyrueshëm për zbatim në momentin e firmosjes nga ortakët, sot më dt. 27.05.2021

Vula e shoqerise mund te ndryshoje vetem me vendimin e asamblese se ortakeve.

Hartuar ne Tiranë, me 27.05 2021 .

ORTAKET:

EMIRJAN SPAHIU

Emirjan Spahiu

A handwritten signature in black ink, appearing to read "Emirjan Spahiu", with a horizontal line underneath.